

傷寒補天石⑥



下之。如結胸煩踈。目直視者。不治。一云急下之。四邊  
微紅。中成黑灰色。行路者。此由失下。四五下之。方退。  
舌見白胎。中見黑小點亂生。當有表症。其病之來雖  
惡涼。膈散微表之。退卽用調胃承氣湯下之。舌見黃  
而有小黑點者。熱必深也。邪傳六腑。將入五臟。急服  
調胃承氣湯。亦爲十存四五。舌見黃而中有黑至尖  
者。熱毒邪氣已深。兩感者。下之。十有九死。有下利者。  
下之可治。舌見兩弦灰色。中有暈根二條。此熱乘入

腎命門急當下之。若遲難救。舌見灰色無惡寒惡風。脈雖浮亦可下之。下之見黑尿者不可治也。舌見火黑而有亂紋者。脈滑實急下之。九死一生。脈浮數無力不治。舌見白胎滑者必往來寒熱。舌見白胎紫黃色者必泄。舌見四圍白而中有黃者必作煩渴嘔吐之症。舌見黃而中有黑點亂生者其症必滑譏語。脈滑者生。脈澹者死。下之見黑尿者死。舌見有紅星者將發黃也。舌見有黑圈者過經未解也。火裂舌心火

熱極也。涼膈散加黃連。虫碎舌裏熱之甚也。小承氣  
下之。凡舌青而紫者爲陰寒。赤而紫者爲陽毒。黑而  
滑者爲陰寒。黑而燥者爲陰毒。大要鮮紅滋潤者吉。  
紫黑乾燥凶。治胎須用薄荷水浸青布于舌上洗  
淨。或用生姜薄片蘸水時時刮之。其胎自退矣。傷寒  
如舌吐出寸餘不收。用梅花冰片研末摻上卽收病  
重者用冰片五錢。

察聲法第一百二十六



1161

中醫藥大學圖書館版權

續傷寒補天石卷上

凡病人出言壯厲者外感有餘也。出言懶怯者內傷不足也。譏語狂言者邪氣盛則實也。鄭聲者精氣奪則虛也。鼻塞身重者傷風也。聲嘶者肺有風熱也。聲啞者肺傷風熱也。卒然無音者寒氣客會厭也。咽不得息者胸中有寒也。唇口生瘡聲啞者狐惑也。咽中生蒼聲啞者少陰也。口噤咬牙者風痙也。鼻息如鼾睡者風溫也。喉中漉上有聲者痰飲停上焦也。要在審其聲而隨症治之。若見卒中風涎痰湧盛口噤



不言或脉絕直視遺尿者難治。聲如鼾睡者難治。

讖語第三百二十七

經曰邪氣盛則實。精氣奪則虛。實則讖語。虛則鄭聲。胃中實熱。上乘于心。心爲熱。旨則神識昏迷。妄有所見而言也。輕則睡中呢喃。重則不睡。亦語有讖語者。有獨語者。有言語不休者。有言亂者。此數者見其熱之輕重也。大抵熱入于胃。水涸尿燥。必發讖語爲實也。有火劫取汗而讖語者。有亡陽讖語者。有下利清



穀不竭讖語者此爲虛也或脈來沉實洪數有力因

見夫大便不通小水赤燥渴讖語狂妄腹中脹滿

痛或潮熱自汗或下利純清水心腹鞭痛者皆裏症

邪熱燥屎也俱大承氣湯下之下後利不止與夫喘

滿氣逆而上奔自利氣脫而下奪皆爲逆也彼脈洪

數而見小便赤手足溫與調胃承氣湯三陽合病脈

實身重難轉口中不仁面垢遺尿白虎湯或大便結

大熱乾嘔錯語呻吟不眠犀角解毒湯初得病無熱



狂言妄踈不安。神采不與人相當。五苓散二錢以新

汲水探吐。狂言漱水不欲嚥。大便黑。小水自利。身黃

脹滿。此因當下失下。當汗不汗。是瘀血。讖語。桃仁承

氣湯下。盡黑物則愈。婦人經水適來。適斷。續得寒熱

此爲熱入血室。小柴胡湯。陽明喜妄如狂。亦瘀血也。

照前。桃仁承氣下。盡黑物則愈矣。各各不同。但脉短

者死。脉和者愈。又發汗多亡陽。讖語身自和。不可下

柴胡桂枝湯。和其營衛。營衛和。津液生而自愈也。下





後胸滿煩驚小便不利讖語一身盡重不可轉側柴

胡加龍骨牡蠣湯

半夏柴胡牡蠣人參龍骨

鉛丹桂枝伏苓大黃棗姜火劫取

汗讖語桂枝湯去芍藥加蜀漆龍骨牡蠣救逆湯若

下利直視讖語者死也又陽症讖妄脉沉細手足逆

冷者不過一日死矣有獨語者獨自語而如見鬼

也甚則捻衣摸床微喘直視若脉弦小便利者生脉

濇小便不利者則死可下者下之未可下者小柴胡

合白虎湯有錯語者意錯而言亂也自知言錯邪



氣尚輕。自不知覺。邪熱甚而正氣衰也。解毒湯。白虎湯。小柴胡。大柴胡。隨症施治。有狂言者。邪熱亢甚。發狂。叶喊而言也。或弄衣而走。登高而歌。此陽明內實也。大承氣湯。

鄭聲第三十一

鄭聲如鄭衛之聲。謂不正也。蓋汗下後。病人元氣虛脫。氣不接續。而喉中鄭重也。如氣息不促。手足顛溫。脈沉細者。急以白虎湯。合生脈散。助其元氣。或濃煎。



獨參湯徐飲之亦良法也脉微細手足冷大小便自  
利用白通陽葱白之辛以通陽氣姜附之辛以散陰  
寒也乾姜附子葱白木

瘖啞不言第三十二

少陰咽中生瘡不能言語者雞子苦酒湯雞子一枚

酒半夏于殼中安火上令三沸去滓少少含嚥之蓋

半夏之辛能發聲音雞子之甘能緩咽痛苦酒之酸

能歛咽也狐惑上唇有瘡聲啞者瘖病口噤不能言者

俱治在本條熱病瘖啞不言三四日不得汗者死熱

俱治在本條熱病瘖啞不言三四日不得汗者死熱



甚火傷肺金不能言者。清肺降火則愈。風熱擁盛。咳嗽聲啞者。清風熱降痰火則愈。又有失于發散。風邪伏于肺中者。當以發散為主也。

咽痛第三十三

咽喉不利而痛。或成瘡不能語言。不納穀食。皆邪熱毒氣上衝少陰而痛也。少陰之脈循喉嚨。挾舌本。脈浮遲。厥冷吐利。並不可汗下。少陰二三日。咽痛者。甘草湯不瘥者。桔梗湯。桔梗辛溫以散寒。甘草甘平以除熱。甘桔相合以調寒熱。少



陰下利咽痛胸滿心煩者猪膚湯猪水畜也其氣先入腎少陰客熱是

以猪膚解之加白蜜以潤少陰咽中生瘡不能言者

燦除煩白粉以益氣斷利雞子一枚少陰咽痛半夏

聲不出者苦酒湯噍含之治法在前

散及湯半夏桂枝之辛以散經少陰下利清穀裏寒

外熱手足厥逆脉微欲絕面赤咽痛者通脉四逆湯

乾姜附子腎傷寒一症乃非時暴寒伏于少陰之經

參甘草頭痛腰痛脉微弱後必下利咽痛半夏桂枝湯半夏桂枝

炙甘草下利四逆湯蓋甘草主少陰客熱咽痛桔梗湯

草



主少陰寒熱相搏咽痛半夏散及湯主少陰客寒咽

痛也咽痛有寒有熱不可槩作風熱治也如陽毒咽

喉腫痛熱極也陰毒咽喉不利寒極也並治在本條

咽喉閉塞烏翮湯烏翮指脂煎去滓薄綿裹內喉中稍上嚥之烏羽即射于茵如無用

射于頭亦可口瘡赤爛蜜浸黃柏噙咽痛甚者升麻六物

湯大青升麻梔子杏仁黃芩葱下後寸脈沉遲尺脈不至手足厥

逆而泄利不止咽喉不利吐膿血為難治麻黃升麻

湯麻黃升麻當歸知母黃芩芍藥茯苓石羔白木乾姜芍藥天門冬桂枝甘草茯苓



氣短第三十四

短氣者呼吸不相接續也。陽明心腹脹滿喘而短氣。

潮熱者邪在裏而為實宜下之。大柴胡小承氣心腹

濡滿而短氣者邪在表而為虛也。宜解之。桂枝湯食

少飲多水停心下。短氣者小半夏湯。半夏赤茯苓風濕相

搏汗出短氣小便不利惡風不欲去衣邪氣在表甘

草附子湯。甘草附子白朮桂枝太陽誤下短氣懊憹煩燥為結

胸者大陷胸湯。大黃甘遂芒硝身涼乾嘔短氣汗出不惡寒



此表解裏有水十棗湯

芫花甘遂大戟大棗十枚煎湯調服一錢口鼻之

氣難以布息而短氣者人參四逆湯汗吐下後

元氣

虛弱而短氣者人參養榮湯

參芪苓芍歸熟地白朮遠志陳五味

### 氣逆第三十五

氣逆者氣自腹中時逆上衝也。因太陽病下之表邪

乘虛傳裏裏不受邪則氣逆上行而邪在表也。當汗

之桂枝湯不上衝者勿與之。厥陰客熱上衝此熱在

裏而氣上也。大柴胡湯病後虛羸少氣氣逆上衝欲





吐者竹葉石羔湯八麥甘草與門冬石羔知半竹苓同有動氣因發汗

而氣李根湯半夏茯苓桂芍當李根白皮甘苓姜二者皆正氣虛而

邪氣逆也如桂枝症頭不疼項不强寸脉浮微胸中

痞鞭上衝咽喉不得息此為胸中有寒瓜蒂散吐之

脉微者不可吐吐則愈甚頭眩脉沉緊不可汗一則

動經身為振搖桂枝茯苓白米甘草湯

喘第三十六  
脉浮無汗更加喘宜與麻黃  
屬太陽若不惡寒知在胃汗

多潮熱下何妨汗後水停微發喘青龍加杏  
去麻黃二陽合病胸中滿只用麻黃按古方



傷寒發喘有邪在表者有邪在裏者有水氣者邪在表者心腹濡而不堅外症無汗法當汗之在裏者心腹脹滿外症有汗法當下之其水氣者心下怔忡是以有青龍之症故曰喘而汗出宜利之無汗而喘宜發之雖然喘特滿之常也其或直視讖語汗出髮潤身汗如油喘而不休皆不可治太陽病無汗而喘麻黃湯

麻黃桂枝杏仁甘草

太陰病風甚擁而喘桂枝加厚朴杏

仁湯陽明病汗出不惡寒潮熱短氣腹滿而喘大承



氣湯病人小便不利大便乍難乍易時有微熱喘言

不能臥者有痿采也大承氣湯 枳實芒硝 太陽七明

合病喘而胸滿者不可下麻黃湯一云葛根黃連黃

芩湯太陽病汗下後微喘者桂枝加厚朴杏仁湯 喘

為邪傳裏微喘為邪在表故用 桂枝以解表厚朴杏仁以降氣 汗出而喘無大熱者

麻黃杏仁甘草石膏湯太陽病下利不止脈促者表

未解也喘而汗出者葛根黃連黃芩湯 汗出而喘邪氣外甚所致

喘而汗出裏熱氣逆所致故用葛根甘 草之甘以散表邪連芩之苦以除裏熱 心下有水氣



咳而微喘。小青龍去麻黃加杏仁。小腹痛去麻黃加

伏苓。陰病喘促者。反陰丹。硫黃五兩。玄精石硝石各二兩。另研附子炮乾。姜炮。

桂心各五錢。右用鐵銚先鋪玄精研末。一半次鋪石

末。一半申間下。硫黃以餘硝末蓋上。次以玄精末蓋

上用。小蓋合着。以炭三升燒令得所。令烟出多急取

瓦盆合地上。四面以灰蓋。勿令烟出。候冷細研。後一

味為末。同研細軟。飲和。丸桐子大。每服三十九。艾湯

下。汗出為度。喘促吐逆。入口便住。再炙。略下一寸。反

膈。兩邊各一寸。仍虛人。脉伏喘促。五味子湯。五味人

與當歸四逆湯。

陳活人書云。脉伏厥冷。喘促。此陰陽相背。非吉兆也。

姑以五味子和之。取其酸收甘緩之意。凡受病為



不足病氣為有餘盛則為喘者非肺氣盛也肺中邪

火盛也故瀉白散非瀉肺也瀉肺中之火也如瀉心

湯半夏黃芩乾姜參黃連甘草加伏陳非瀉心也瀉心之痞滿也雜病

喘急有因于痰者有因于火者有陰虛自少腹下火

起而上逆者有氣虛而致氣短者戴元禮云痰者凡

喘便有痰聲火者乍進乍退得食則減食已則喘大

槩胃中有實火膈上有稠痰得食墜下稠痰喘即止

稍久食已入胃反助其火痰再升上喘反大作俗不



知此作胃虛治以煖熱之藥是以火濟火也氣短喘  
急者呼吸急促而無痰聲又有胃虛喘者擡肩擡項  
喘而不休治法痰者降痰化氣爲主火者降火清肺  
爲主陰虛補陰降火四物加枳殼半夏氣虛參芪麥  
冬地骨炙甘草之類 凡久病氣虛而喘宜阿膠人  
參五味以補之新病氣實而喘宜桑皮苦瀝以瀉之  
氣喘無痰呼吸粗擡肩擡項胃家虛炎上喘時憑食  
減痰喘喉中聲韻呼喘而脉滑手足溫用藥無碍可  
得生喘而沉瀼寒四 凡喘用椒目爲細末姜湯調下  
肢若得瀼脉死無礙



一二錢止之。然後因痰治痰，因火治火。若氣虛者不用。凡喘則必發脹，上則必喘。二者相因，皆小便不利。但先喘後脹者，主于肺，蓋肺金失令不能通調水道，下輸膀胱故也。法當清金降氣為主，而行水次之。先脹後喘者，主于脾，蓋脾土受傷不能制水，水濕妄行故也。法當實脾為主，而清金次之。

咳嗽第三十七

往來寒熱胸中滿此症會知嗽在陽陰症嗽時胸下

利四肢沉  
重更清涼

咳者俗呼爲嗽。肺爲邪所乘。氣逆而不下也。有肺寒而咳。有停飲而咳。有半表半裏而咳。治各不同。太陽病身熱咳嗽乾嘔微喘而利。小青龍湯。小青龙主太陽之表水也。身涼咳嗽乾嘔微不利。心下滿引脇痛。十棗湯。十棗主太陽之裏水也。四肢重痛腹疼下利咳嗽或嘔。真武湯。真武湯主陰症之水氣也。少陰病咳嗽四逆湯。腹痛泄利下重。四逆散加五五味。乾姜少陽病往來寒熱胸脇痛而咳。小柴胡去參加五味。





乾姜麥冬知母貝母瓜蒌黃連渴加花粉去半夏咳

而嘔滿喘急大半夏湯

半夏伏苓姜

感冒風寒發熱而咳

參蘇飲去半夏木香加桑皮杏仁麻黃痰吐如膠者

金沸草散

前胡麻黃赤芍藥復花半甘同煎芥

仲景治嗽不分陰陽

症俱用乾姜五味恐五味酸收易以閉住邪氣初起

不可便用也須先用干姜之辛溫肺金而散逆氣然

後用五味收肺氣保肺金而止嗽可也襍雜病咳嗽

分治戴元禮云咳者無痰而有聲肺氣傷而不清嗽



者無聲而有痰。脾濕動而生痰。因于風寒者。鼻塞聲重。因于火者。痰少面赤。黃昏時嗽。因于勞者。盜汗出。兼痰多作寒熱。有肺脹者。喘滿氣急。息重有痰。嗽者。脾虛動。便有痰聲。痰出嗽止。內經。欬謂五臟六腑皆令人欬。非獨肺也。岐伯曰。肺欬之狀。欬而喘息有音。甚則吐血。心欬之狀。欬而心痛。喉中介介如梗狀。甚則咽腫喉痺。肝欬之狀。欬則兩脇下痛。甚則不可以轉轉。則兩胠下滿。脾欬之狀。欬則右脇下痛。陰七引。

肩背甚則不可以動動則欬劇腎欬之狀欬則腰背  
相引而痛甚則欬涎又曰脾欬不已則胃受之  
之狀欬而嘔甚則長蟲出肝欬不已則胆受之  
之狀欬而嘔胆汁肺欬不已則大腸受之大腸欬狀欬  
而遺矢心欬不已則小腸受之小腸欬狀欬而失氣  
氣與欬俱失腎欬不已則膀胱受之膀胱狀欬而遺  
溺久欬不已則三焦受之三焦欬狀欬而腹滿不欲  
食飲此皆聚于胃闕于肺使人多唾涕而面浮腫氣

逆也

嘔吐第三十八

大凡嘔吐屬陽明須要陽明氣下行若是上行為氣

逆胃家由是不和平胃家有熱難停食胃冷無緣納水漿二症皆令人嘔吐嘔家聖藥是生薑

嘔者聲物俱有而旋吐出者無聲有物而頓出有聲

無物為乾嘔也較之輕重則嘔甚于吐矣蓋表邪傳

裏裏氣上逆則為嘔也有胃熱脈弦數口苦煩渴有

胃寒脈弦遲逆冷不食小便利有水氣先渴後嘔膈

間怔忡有膿血喉中腥氣奔逆上衝不從治之嘔膿

盡自愈。四者不旬不辯。大抵邪在半表半裏。則多嘔。

及裏熱而嘔吐者。俱用小柴胡湯。若初病嘔逆。嘔噦。

清水嘔吐飲食者。加減藿香正氣散。藿香厚朴陳皮甘草江蘇葉白

木伏苓。虛者。人參養胃湯。藿香半夏陳皮伏苓甘草乾姜砂仁白木人參草菓厚朴

入姜汁調服發熱者。芎蘇散。以汗之。有汗者。正氣散去蘇。

葉以和之。太陽七明合病。當自利。若不利而嘔者。葛

根半夏生姜湯。二味加陳皮伏苓入姜汁温服太陽少陽合病而嘔。

吐黃芩湯。黃芩芍藥甘草大棗加半夏生姜繆仲淳曰。胸中煩熱者。

竹茹湯主之

竹茹三錢麥冬五錢枇杷葉二片蘆根三兩若內無熱症者小便利口不渴陽

明虛三陽發熱而嘔俱用小柴胡湯初起食穀欲吐

者屬陽明也吳茱萸湯得湯反劇者屬上焦也小柴

胡加葛根湯胸中有熱胃中有邪氣腹痛氣逆欲嘔

吐者黃連湯黃連甘草乾姜桂枝凡嘔吐不可下下

之則利利不止者死利止者生故曰嘔多雖有陽明

症不可攻攻之為逆為其逆氣尚未收斂為實也若

陽明發熱汗出心煩痞鞭不大便嘔吐者只得以大



柴胡和之太陽腹滿或痛水穀不下嘔吐脉沉遲者

理中湯

人參乾姜白朮甘草  
半夏生姜紫厚朴

少陰飲食入口即

吐或

欲吐不吐手足寒脉沉細者四逆湯

附子乾姜  
加半夏生

姜甘草

皮厥陰嘔吐涎沫逆冷脉沉微者茱萸四逆湯

當歸  
桂枝

芍藥細辛通草甘草茱萸生

若吐利煩渴者茱萸湯

姜加半夏乾姜陳皮厚朴

茱萸人參加半夏

凡胃熱煩渴頰痛口乾不合小柴

生薑陳皮乾姜

胡加竹茹陳皮黃連山梔石羔乾葛主之胃寒脛冷

面浮尻骨痛藿香安胃湯

藿半陳白朮  
苓草生乾姜

合理中湯主



之胃實香砂平胃散香砂蒼朴 陳甘草去甘草加青皮枳實

主之胃虛右關脉虛竹葉石膏湯人參甘草麥門冬 石羔知半竹苓

加生姜陳皮主之又胃有熱痰而嘔橘皮竹茹湯陳皮

竹茹人參伏苓白朮炙草加半夏姜主之胃有寒飲乾嘔吐涎沫四逆

湯主之先嘔後渴此為欲解宜與水解先渴後嘔為

水停心下伏苓半夏湯伏苓半夏 陳朴姜似嘔似噦似喘心

下憤憤無奈大橘皮湯陳皮人參 甘草姜汗下後關脉遲緩

而吐為胃寒理中湯屢經汗下寒氣膈塞食入即吐





乾姜黃連黃芩人參湯汗下後水藥不入口者四逆

湯加半夏伏苓湯澹後虛煩嘔吐竹葉石膏湯

嘔家本渴

不渴者心下有支飲也或似喘不喘似嘔不嘔憤七無奈並宜竹葉石膏湯

清嘔吐穀不

下者小半夏湯

即半夏生薑湯

嘔而脚弱或疼乃是脚氣

脚氣治之嘔而脉弱大便復利身有微熱見厥者難

治四逆加生姜主之凡治嘔吐各湯中俱加姜汁調

服隨用生姜嚼之蓋姜仍嘔家聖藥也嘔家最忌甘

甜之物以甘能發嘔故也嘔吐不止者用炒糯米生

姜汁煎服嘔吐自止若胃實嘔吐者不用此法總之  
宜安胃久則補氣

乾嘔第三十九

乾嘔者空嘔而無物也大抵熱在胃脘與穀氣并熱  
氣上薰心下痞結則有此症太陽汗出乾嘔桂枝湯  
主白汗也少陰下利乾嘔姜附湯主下利也厥陰吐  
涎乾嘔者吳茱萸湯主涎沫也邪去嘔自止也又有  
水氣二症太陽表不解心下有水氣身熱乾嘔微喘



自利小青龍湯不發熱反惡寒脇痛欬而利乾嘔者  
十棗湯凡膈上有寒飲乾嘔者四逆湯胃熱煩渴乾  
嘔者小柴胡湯加姜汁炒連山梔陳皮苦脈弦數身熱而嘔者

### 噦第

噦逆皆因胃有寒此名惡候  
古今傳櫛皮半夏並姜附不

噦依方衆乳邊小柴胡溫三陽噦或用陳皮  
與竹茹腹滿須看前後邵獷荅承氣莫相向

噦即乾嘔之甚者比乾嘔則聲濁惡而長皆有聲而  
無物也蓋因胃氣本虛或下汗太過或恣飲冷水水  
寒相博虛逆而成也又有熱氣壅鬱上下不得通而



噦者大抵飭近于噦飭者但胸間氣不得下通噦則

惡濁之聲達于外矣輕則和解疎利重則溫散噦則

腹滿當看何部不利前部不利者猪苓湯後部不利

者先用半夏生姜湯次用小承氣湯噦而口苦煩熱

者小柴胡加陳皮竹茹噦而手足逆冷者小橘皮湯

陳皮陳皮竹茹人參加姜附噦而煩者橘皮竹茹湯伏苓白朮炙草

生薑生薑而有鬱熱在胃者加味竹茹湯茹陳甘草噦不

止者乾姜橘皮湯陳皮乾姜溫病飲冷作噦茅根葛

續傷寒補天石卷上

四十五



根湯

茅根葛根加  
生薑汁半夏

經曰病深者其聲噦凡病後嘔噦

或久病胃虛嘔噦足冷脉遲及噦家不尿皆難治也

噫第四十

金匱要畧曰中焦未和不能  
消穀故令噫則用調胃承氣

噫氣者胸中氣不交通也寒氣客胃厥逆上行復出

于胃故噫氣也理中湯加丁香香附半夏陳皮温之

傷寒汗吐下後心下痞鞭噫氣不除者旋復代赭湯

加砂仁主之

旋復代赭參  
姜半夏甘草

呃逆第四十一

呃逆者。俗謂呃忒是也。有因胃熱失下而呃者。有因

胃中痰飲而呃者。有因服寒涼藥過多。胃中虛冷而

呃。胃熱失下。便實脈有力者。少與承氣湯。便軟脈無

力者。瀉心湯。半夏黃芩乾姜參黃連甘草加伏苓潮熱者。小柴胡加橘

皮。生姜湯。胃冷者。橘皮乾姜湯。甚者。丁香理中湯。加

茱萸。木香。姜汁。又有瘀血壅塞。作呃者。雖柿蒂亦不

應。呃逆者。氣從胃中起。至胸嗌間。而為呃忒也。若其

氣自臍下直衝于胸嗌間。呃忒者。此陰症。呃忒也。其

續傷寒補天石卷上

四六



病不在胃因下虛內有伏陰或誤服寒藥遂至冷極

于下迫其相火上衝卒集于胸中而為呃忒也病入

煩躁自覺甚熱他人以手按其肌膚則冷此為無根

失守之火散亂為熱非實熱也乃水極似火陰症似

陽也若不識此悞用涼藥下咽則死當用羌活附子

湯羌活附子茴香丁香加官桂人參木香陳半夏砂

仁急溫其下真陽回陰火降呃逆乃止也陰症及胃

寒呃逆不止者外用乳香硫黃散乳香硫黃艾葉各

錢為細末用好



酒一鍾煎數沸使病人鼻嗅

之內再搗生姜擦胸前最效

丙用丁香柿蒂散服之

則止

丁香柿蒂煎香乾姜良姜陳皮姜湯下

再灸期門氣海關元此良

法也但手足溫煖復者為有生矣經曰傷寒呃逆上

氣脈散者死蓋欬逆為肺病散為心脈心火刑于肺

金謂之死陰不過三日而死雜病欬逆有痰有氣虛

有陰火痰用半夏陳皮氣虛用參黃芪陰火用黃

連滑石黃柏知母經曰諸逆衝上皆屬于火古方言

胃弱而不及火以丁香柿蒂竹茹陳皮治之未審孰

續傷補天石卷上

四七

中醫藥大學圖書館藏



爲降火。孰爲補虛。人之陰氣依胃爲養。胃土傷損。則木侮之。陰爲火所乘。不得內守。木挾相火。故直衝清道而上。言胃弱者。陰弱也。虛之甚也。宜視有餘不足。治之。有餘并痰者。人參蘆吐之。不足者。人參朮補之。

參手太陰補陽中之陰。芦則反是。大瀉陰中之陽。故用人參芦煎飲吐之。

### 鼻衄第四十二

鼻衄者。經絡熱盛。迫血妄行于鼻而爲衄也。是雖熱盛。邪猶在經。然亦不可發汗。仲景以桂枝麻黃治衄。



非治衄也。乃欲散經中邪氣耳。其衄血固為欲解。若  
衄不止而頭面汗出。其身無汗。及汗不至足者。為難  
治。太陽症衄血。及服桂枝湯致衄。為欲解。犀角地黃  
湯無汗而衄。脉浮緊。再與麻黃湯有汗而衄。脉浮緩。  
再與桂枝湯。此二者蓋為脉浮而設也。若衄而成流  
者。不須服藥。少刻自解。若点滴不成流者。必用藥。無  
疑。經曰。奪血者無汗。奪汗者無血。俗人以血為紅汗。  
厥有旨哉。衄家不可太汗。汗之則額上陷。脉緊急直。

視不能眴。眴合目也不得眠。芍藥地黃湯。陽明嗽水不發。

咽犀角地黃湯。黃芩芍藥湯。

芍藥丹皮生地甘

衄而煩渴飲

水。水入即吐。先服五苓散。次服竹葉石膏湯。少陰也。

厥無汗強發之。必動經其血。或從耳目口鼻中名下

厥上竭為難治。當歸四逆湯。

歸芍細甘草炙太谿三

陰陽交湧泉。一法用黑錫丹。

黑錫硫黃各二兩沉香木香熟附蒟苣巴桂各

五錢。茴香破故紙。陽起石。肉豆蔻。各一兩。又用新鐵

鉗如常法。黑錫硫黃于地上出火毒。候冷研極細。餘藥並未同研。以黑光為度。酒麩糊。若衄不止。芫花湯為丸。陰乾。鹽湯下。婦人艾棗湯下。



外用水紙搭在鼻冲隨用炒黑山萸火煨龍骨牡蠣

京墨百草霜共為細末加血餘灰各等分用茅花水

或縮釘水蘸藥鼻中即止 凡病人發煩目眩刺者

必衄尺脉浮目睛昏黃者必衄口乾鼻燥者必衄無

汗欲食者必衄嗽水不欲咽者必衄並用犀角地黃

湯犀角生地黃芩湯芍藥黃芩生地芩連湯生地黃

山萸估梗甘草大棗柴胡傷寒表症衄血將解不

可用涼水及寒藥止住若止住者必成蓄血血結胸



難治矣。衄而解者，邪之輕也。衄不解者，邪之重也。衄後復大熱，脈躁急者，死也。

吐血第四十三

皆因邪熱中三陽當汗，醫家失料，量熱毒入深，留五臟故

成吐血可驚惶

吐血者，諸陽受熱，其邪在表，當汗不汗，致使熱毒入臟，積蓄于內，故成吐血。凡見眼閉目紅，神昏語短，眩暈健忘，煩躁，漱水驚狂，讞語背冷，足寒，四肢厥逆，胸腹急滿，大便黑，小便數，皆瘀血症也。症雖多端，不必



悉其但見一二便作主張初得此症急宜治之至于

遷延日久時而腹痛者為難治也如服桂枝湯吐者

其後必吐膿血宜服犀角地黄湯犀角生地芍丹皮黃連阿

膠湯膠芍苓連如大下後寸脈沉遲尺脈不至咽喉

不利唾膿血者宜服麻黃升麻湯麻升歸知芍薑焦木姜桂芍天伏草

陽毒升麻湯犀苓升麻陰毒甘草湯甘升當鱉桂雄黃加半

夏生姜主之血熱者黃連阿膠湯地榆散地榆犀角茜根芍連

梔子柏皮湯柏連芍入阿三黃瀉心湯大黃黃連脈浮

黃連易辨有天下石卷七



熱盛及灸之必咽燥吐血救逆湯咽喉閉塞不可發

汗發汗則吐血氣欲絕厥冷勸臥當歸四逆湯歸芍

草通草傷寒血症皆實邪也若雜病血症皆因蓄慾

過度勞傷心腎而得之與傷寒吐衄大不同矣是故

氣虛不能抵血者獨參湯補之如毒熱加青蒿鱉甲

石羔滑石氣血兩虛者保真湯補之赤白二苓生熟地天

甘木白赤芍歸如盜汗加浮麥麻黃根炒牡蠣陰虛

火動者地黃丸補之六味地黃山藥黃天麥二冬治



肺腎二經之吐衄也阿膠鬱金黃芩茅花灰治肺經

之吐衄也柏葉石蓮柏子仁棕櫚灰治心經之吐衄

也黃柏知母玄參血餘灰地黃治腎經之吐衄也青

皮黃連苧蘇灰治肝經之吐衄也白芍白朮黃連乾

葛治脾經之吐衄也至于飲食倍傷痰而成血者平

胃散蒼朮厚朴加山查神曲黃連消之清之酒傷胃

口吐衄者葛花解醒湯解之葛伏解醒白菝仁木香

砂仁末乾扁濕毒并風邪下陷者胃風湯人參伏苓

生薑不用新當歸芎官





桂白朮平胃散加防風羌活主之結陰血與陰成格

芍藥同陽吐衄血脈候按之不鼓者乾姜附子温之跌打損傷

傷吐衄者蘇木桃仁紅花大黃各家引經藥逐之先

痰漱後吐血者二陳湯清之熱毒下血者胡黃連槐

花涼之丸色鮮而新者急止之使婦經色不鮮而舊

者勿止之任其自出凡血從胃中來者可治從肺

臟來者難治如一咯一塊或痰中見血如瑪瑙而成

塊皆胃口來也猶可治也若痰中見血或一點之小



或一絲之細者。乃肺臟來也。肺本多氣少血。今為虛火所逼而出之。則肺枯而無以領一身之氣矣。實難治之也。又胃火上蒸。血從口出。肺火上騰。血從鼻出。凡失血諸症。脈靜身涼者生。脈躁急身熱者死。

衄血咳血出于肺。嗽血痰血出于脾。嘔血吐血出于

胃。咯血吐血出于腎。須用芎附飲。

芎三兩香附四兩二味為末每服

一二錢茶湯調下

按血症須要涼血散火。此藥既非涼血又非

散火何也。蓋血病用血藥不效。以其血之所藏無以

養也。夫心主血，肝藏血。此方用川芎，所以和血通肝，而使血歸于肝胆也。其用香附，所以開鬱而使火散，經絡也。血歸火散而愈矣。

項強第四十四

項背強者，太陽表邪也。無汗，葛根湯。桂枝、芍藥、麻黃、甘草、杏仁、石膏、姜、棗、桂。有汗

桂枝加葛根湯。結胸，項強，有誤下之症。寒熱，項強，則

成瘰。治見本條。臨病宜審。

瘰病第四十五

原來瘰病屬膀胱身噤如  
齧反。張此是傷風感寒溫



有汗爲柔

無汗剛

虛者強直之義。凡身熱足寒，頸項強急，惡寒時，頭熱面赤，目赤，頭搖，口噤，背反張，手足拳搯，是也。起于太陽。先傷于風，重感于寒，發熱無汗，惡寒爲剛。瘧先傷于風，重感于濕，發熱有汗，不惡寒爲柔。瘧又發汗太過，亦成瘧。大發濕家汗，瘡家汗，俱成瘧。新產血虛，汗出傷風，亦成瘧。要知開目仰面，口中燥渴，脈浮緊，屬陽病，易治。葛根湯、麻黃葛根湯，主之。或人參敗毒散。

羌獨活 枯柴 前胡 加葛根 麻黃 口噤 咬牙 胸滿 腳牽

急脈 實有力者 大承氣湯 枳實 芒硝 閉目 合面 口中

和脈 沉細 屬陰 難治 桂枝 加葛根湯 又桂枝 瓜蒌 葛

根湯 若厥冷 脈沉細 附子湯 參 附子 芍 木 桂 加桂枝 二 瘧 通

用小續命湯 甘草 麻黃 防風 芍藥 白朮 桂枝 人參 川芎 防已 附子 黃芩 柔瘧 為陰

去麻黃 剛瘧 為陽 去附子 有寒 去黃芩 防已 如聖散

羌活 防風 川芎 白芷 柴胡 芍藥 甘草 當歸 烏藥 半夏 黃芩 人參 姜汁 竹瀝 漏服 有汗 是柔瘧

加白朮 桂枝 無汗 是剛汁 加麻黃 蒼朮 口噤 咬牙 便



實加大黃血虛發瘧八寶湯加羌活防風黃芪桂枝  
若脉沉弦而遲或帶緊或散指下皆惡候也

背惡寒第四十六

背為陽腹為陰背惡寒者陽氣不足也陽氣不足者

陰氣盛陰氣盛者口中和附子湯陽氣四陷者口燥

渴白虎湯知梗膏二者宜審而治之陽明背寒而唇

口燥渴白虎湯傷寒論大抵口燥渴心煩背微惡寒者白虎加大黃湯主

續傷寒補天石卷上終

